

Handwritten signature and scribbles at the top left of the page.

PARS PRIMA

DISPUTATIO PRIMA

DE PECCATO ORIGINALI:

(I-II^o, Q. LXXXI et sqq.)

"In tam magna causa, ubi christianæ religionis summa consistit" (Aug. cont. Julian. l. I, c. 7), præstat diligenter inquirere quid fides doceat quidve Doctorum mens, revelationis rationisque documentis illustrata, in dogma illud explicandum omniique ab errore custodiendum conferat.—
Tria de peccato originis disputari possunt: an sit, quid sit, quosque effectus sibi proprios pariat. Unde tres legitime instituentur quæstiones.

QUÆSTIO PRIMA

DE TRADUCTIONE PECCATI ORIGINALIS

Peccatum in genere definitur a S. Augustino aliisque Doctoribus: Dictum vel factum vel concupitum contra legem æternam; sic ut priora verba exprimant quasi materiale elementum peccati, posteriora vero elementum quasi formale (I-II^o, Q. LXXXI, a. 6).—Ex parte causæ acceptum, distinguitur peccatum in personale et originale, quatenus vel propriæ voluntatis actu committitur, vel aliena, scil. Adami, voluntate commissum per carnalem generationem in posteros derivatur.

Handwritten notes in the bottom right corner:
3 { An sit
 Quid sit
 Quosnam effectus